

**Prvi sastanak ekspertne grupe “Kultura”
Subota, 02. septembar 2017. godine
9:30 – 13:00 h, Bern**

U subotu, 2. septembra 2017. godine održan je prvi sastanak ekspertne grupe u oblasti kulture, koji je organiziran od strane udruženja i-dijaspора u okviru inicijative «i-platform – Dijaspора za razvoj Bosne i Hercegovine».

Prvi sastanak je bio posvećen prezentaciji koncepta ekspertnih grupa i definiranju tematskog sadržaja kao i daljnjih koraka za budući rad u 2017. godini.

Koncept ekspertnih grupa

Nakon kratkog uvoda i osvrta na glavne ciljeve i rad i-platforme slijedila je prezentacija koncepta ekspertne grupe.

Glavni cilj ekspertne grupe u oblasti kulture je **uključivanje motiviranih osoba bh. dijaspora, koji posjeduju značajna znanja, vještine, iskustva i kontakata**, da se kroz rad u ekspertnoj grupi aktivno uključe i postanu dio platforme i **unutar ekspertne grupe razvijaju ideje, inicijative i projekte, koji doprinose razvoju Bosne i Hercegovine**, te svojim radom i angažmanom pomognu postizanju strateških ciljeva i-platforme.



Ekspertne grupe imaju savjetodavnu kao i razvojnu funkciju. Broj članova je neograničen. Sa strane udruženja i-dijaspора u radu ekspertnih grupa učestvuju članovi Desk Office-a, koji također vode logističku i tehničku koordinaciju i komunikaciju, kao i min. jedan predstavnik ili predstavnica Upravnog odbora.

Sastanci ekspertne grupe biti će održani po potrebi i dinamično **2-6 puta godišnje**. Sve troškove sastanaka snosi udruženje i-dijaspора (transport, hrana, ukoliko potrebno noćenje).

Glavni rad ekspertnih grupa fokusira se na **razvijanje projektnih ideja i inicijativa koji su u skladu i doprinose ciljevima i-platforme a samim tim i razvoju BiH**. Implementacija i daljnji razvoj tih ideja može se dalje odvijati van ili unutar platforme.

Inicijative i projektne ideje ekspertnih grupa za koje je potrebno obezbijediti inicijalna sredstva ili pokrivanje određenih troškova se šalju na odobranje

i-platform

Pavillonweg 3
CH - 3012 Bern
Phone: +41 (0)44 461 11 59
Fax: +41 (0)31 544 15 33
info@i-platform.ch
www.i-platform.ch

Upravnom odboru, koje Upravni odbor nakon odobrenja daje na realizaciju. Desk Office u saradnji sa grupama vodi realizaciju odobrenih inicijativa i projektnih ideja.

U slučaju potrebe davanja specifičnog i ograničenog mandata pojedincima iz ekspertnih grupa, a koji iziskuje značajnije ulaganje vremena i znanja, UO može odobriti sklapanje pojedinačnih ugovora uz određenu finansijsku naknadu. Proces apliciranja za mandat nalazi se momentalno još u izradi.

Radionica

U diskusiji, koja je slijedila nakon prezentacije koncepta ekspertnih grupa, učesnici su imali mogućnost navesti podoblasti kulture, za koje se oni lično najviše interesuju i u okviru kojih bi željeli raditi unutar ekspertne grupe. Navedene su sljedeće podoblasti:

- **Doprinos razvoju biblioteka** u Bosni i Hercegovini (Marija)
 - Fokus na biblioteke u manjim gradovima kao i na selima
 - Biblioteke su poprilično zapuštene, međutim konkretna analiza stanja biblioteka do sada još nije sprovedena
- **Muzika** → organizacija koncerata bh. muzičara u Švicarskoj
- **Humor** → Fokus na stand-up comedy scenu u BiH
- **Podsticaj muzejima** u Bosni i Hercegovini → staviti fokus na muzeje u velikim gradovima; istorija kao važan dio kulture
- **Podrška dječjem domu «Bjelave»** → organizacija humanitarnog eventa za skupljanje finansijskih sredstava
- **Transfer znanja i iskustva unutar umjetničke scene** na relaciji BiH i Švicarska
 - Umjetnička scena u BiH je veoma aktivna
 - Bh. umjetnici imaju nažalost rijetko mogućnost pokazati svoja umjetnička djela → uspostavljanje kontakta sa umjetnicima i institucijama u Švicarskoj; organizacija izložbi kao kulturni transfer



i-platform

Pavillonweg 3
CH - 3012 Bern
Phone: +41 (0)44 461 11 59
Fax: +41 (0)31 544 15 33
info@i-platform.ch
www.i-platform.ch

Termini i daljnji koraci

Sljedeći sastanak ekspertne grupe u oblasti kulture biti će održan u

**Subotu, 23. septembra 2017. godine
14.00 – 17.00h, u Bernu**

Glavni cilj sljedećeg sastanka je konkretiziranje projektnih ideja i inicijativa sa fokusom na izradi strategije i definisanju ciljeva prvog projektnog koncepta. Učesnici ekspertne grupe kao i članovi i-dijaspore će takođe razmotriti koje osobe, institucije i organizacije bismo dodatno i na koji način trebali uključiti u rad ekspertne grupe u oblasti kulture. Pozivnica kao i program i daljnje informacije biti će Vam dostavljeni putem e-mail-a.

i-platform

Pavillonweg 3
CH - 3012 Bern
Phone: +41 (0)44 461 11 59
Fax: +41 (0)31 544 15 33
info@i-platform.ch
www.i-platform.ch